



Inombolo yefayili: 13/2/8/23 – M1/24  
Isalathiso: 202411115 - 8500

INGcaciso eMfutshane yeProgram i-National School Nutrition Programme:0001/2024

Iya: KuBalawuli abaziiNtloko kwiZithili, kuBalawuli beZithili, kwiiNtloko zoLawulo noKuphathwa kwamaZiko, kuBaphathi beeSekethe, kuBaqquzeleli nakumaGosa eZithili e-National School Nutrition Programme, kwiiNqununu zezikolo zikarhulumente eziqhelekileyo ezixhamlayo kwi-National School Nutrition Programme nakooSihlalo bamabhunga olawulo abanabafundi abaxhamla kule program

### **Isihloko: Iziphumo zokuphicothwa kweencwadi kwiProgram ye-National School Nutrition Programme (NSNP) ukwenzela owama-2023/2024**

1. UMphicothi-zincwadi Jikelele waseMzantsi Afrika (AGSA), uqaphele iziphene kwiProgram i-NSNP ngethuba lokuphicothwa kweencwadi okumalunga nolawulo nokubekwa esweni kwale program kunyaka wama-2023/2024.
2. Le ngcaciso imfutshane ke ngoko yenzelwe ukuncedisa izikolo ezixhamla kwi-NSNP ukuba ziyiphumeze ngokuyimpumelelo i-NSNP kwinqanaba lesikolo.
3. Ngenxa yokuba iinqununu kufuneka zibe zezikhokelayo kulawulo lweProgram i-NSNP ezikolweni zazo, kufuneka ziziqwalaselwa ngokukhethekileyo iinkalo ezifuna ukuqwalaselwa nezikhankanywe apha ngezantsi.
4. Kuqatshelwe iziphene ezithile ngokumalunga nokwakhiwa kweekomiti zezikolo ze-NSNP, iindima nemisebenzi yazo, nguMphicothi zincwadi-Jikelele waseMzantsi Afrika (AGSA) yaye ke ngoko kuyimfuneko ukuba kucaciswe yaye kuphunyezwe ezi ndima nale misebenzi ilandelayo:

#### **4.1 Ukwakhiwa kweekomiti yesikolo ye-NSNP**

Inqununu nebhunga lolawulo mabaseke ikomiti yesikolo ye-NSNP equka la malungu alandelayo:

- (a) ilungu elinye leKomiti yoLawulo yeSikolo (SMT);
- (b) ilungu elinye lebhunga lolawulo;
- (c) iVolontiya elinye eliPhatha ukuTya (VFH);
- (d) ilungu elinye elingumsebenzi; kunye

- (e) nelungu elinye leBhunga eliMele aBafundi (*Representative Council of Learners*)(RCL) (kwizikolo eziziisekondari kuphela).

#### 4.2 **Iindima nemisebenzi yekomiti yesikolo ye-NSNP kuqukwa neNqununu**

##### 4.2.1 **Inqununu** kufuneka:

- (a) Ithathe uxanduva lokulawula iprogram ye-NSNP ngokupheleleyo njengegosa elinoxanduva lokuphendula ngokusetyenziswa kwemali;
- (b) Ikhokele ngokulawula iprogram i-NSNP esikolweni sayo, kuqukwa neminye imisebenzi enxulumene neprogram;
- (c) Imisele amaxesha okutya njengoko emiselwe yi-*Conditional Grant Framework* okanye isebenzise umgaqo othi ngo-10:00 kunye/okanye phambi ko-12:30;
- (d) Iqinisekise ukuba ukuba ii-VFHs zinazo iziXhobo/iMpahla zokuziKhusela (*Personal Protective Equipment*) (*PPE*), oko kukuthi: iiyunifom(*uniforms*), isinxibo esigquma intloko (*headgear*), neebhutsi zokukhusela iinyawo (*safety boots*), ukulandela mbo imimiselo yokuthobela imiqathangio yococeko nokhuseleko;
- (e) Iqinisekise ukuba ikhitshi leProgram ye-NSNP lineSatifikethi i-*Certificate of Acceptability* esikhutshwa yi-*Environmental Health Practitioner*; yaye
- (f) Iqinisekise ukuba isitovu segesi (*gas*) sikhonekthwe ngokufanelekileyo ukuthobela imithetho yokhuseleko lwegesi yaye ke ngoko inike ubungqina beSatifikethi i-*Certificate of Compliance/Conformity*.

##### 4.2.2 **Ilungu leKomiti ye-SMT** kufuneka:

- (a) Lilawule iintlanganiso zekomiti ye-NSNP yesikolo;
- (b) Lithumele isimemo sezi ntlanganiso kuwo onke amalungu ekomiti;
- (c) Ligcine irejista enamagama abantu abakhoyo entlanganisweni;
- (d) Libenomntu ongunobhala (makufundwe 4.2.5 (e) ongezantsi) obhala imizuzu yentlanganiso ekufuneka igcinwe kwifayili ye-NSNP;
- (e) Libeke iliso/longamele umququzeleli wesikolo lize litshekishe amaxwebhu phambi kokuba liwangenise kwi-ofisi yesithili;
- (f) Linike ingxelo ngemiba efuna ukuthathelwa ingqalelo kwiintlanganiso zenqununu ne-SMT; yaye
- (g) Liqinisekise ukuba iProgram i-NSNP iyinxalenye yee-ayithem ze-ajenda yentlanganiso yesikolo.

##### 4.2.3 **Ilungu lebhunga lolawulo (ingalungu elingumsebenzi onika inkxaso esikolweni okanye utitshala)** kufuneka:

- (a) Lincedisise umququzeleli wesikolo ngokubeka iliso kwinkqubo yemihla ngemihla yeProgram i-NSNP;
- (b) Liqinisekise ukuba abafundi batyiswa ngexesha;
- (c) Liqinisekise ukuba abafundi batyiselwa eklasini phantsi kolawulo lukatitshala;
- (d) Liqinisekise ukuba ii-VFHs zipheka ngokwemenyu yosuku;
- (e) Liqinisekise ukuba ii-VFHs zinazo ii-PPE;
- (f) Linike ingxelo ngemiba emalunga ne-NSNP kwiintlanganiso zebhunga lolawulo ukulungiselela ukuba kuxoxwe ngayo; yaye

(g) Liqinisekise ukuba iisilinda zegesi (*gas cylinders*) zigcinwe ngokukhuselekileyo kwikheyiji ngaphandle ekhitshini yaye zikhonkthwe ngokufanelekileyo.

#### 4.2.4 Ilungu eliyi-VFH kufuneka:

- (a) Lazise amalungu ekomiti ye-NSNP yesikolo malunga neengxaki ezidibana nazo ii-VFHs;
- (b) Linike ingxelo ehlaziyiweyo yaqho ngosuku emalunga nokubonelelwa kokutya kumququzeleli wesikolo;
- (c) Lichaze iimfuno zee-VFHs;
- (d) Linike iingcebiso ezingokuba kungenziwa ntoni na ukuphucula iprogram ngokugqibeleleyo;
- (e) Lichaze uncedo abalufunayo kwi-SMT, kwibhunga lolawulo, kootitshala nakubafundi ukwenzela ukuphucula inkqubo yeprogram ye-NSNP;
- (f) Lilungiselele imilinganiselo yokutya echanekileyo; yaye
- (g) Liqinisekise ukuba ukutya kuphekwa ngokwemenyu.

#### 4.2.5 Ilungu elingumsebenzi (umququzeleli wesikolo) kufuneka:

- (a) Liququzelele imisebenzi yemihla ngemihla yeProgram ye-NSNP kwinqanaba lesikolo;
- (b) Libeke esweni ukusebenza kwee-VFHs;
- (c) Lamkele isitokhwe esiziswe esikolweni okanye labele unogada (*caretaker*)okanye i-VFH umsebenzi wokwamkela isitokhwe esiziswe esikolweni egameni lakhe;
- (d) Libeke esweni iprogram ye-NSNP yaye lenze imisebenzi yolawulo yaqho ngosuku;
- (e) Libhale imizuzu yeentlanganiso zekomiti ye-NSNP yesikolo;
- (f) Liqeqeshe ikomiti yesikolo malunga neendima nemisebenzi yayo kwinqanaba lesikolo;
- (g) Libale isitokhwe esikhoyo (*physical stock-taking*) yaye lingqinisisise ii-ayithem zokutya ezikhoyo nezibhalwe kwirejista yesitokhwe sokutya ukuqinisekisa ukuchaneka kwerejista yesitokhwe sokutya;
- (h) Lazise i-ofisi yesithili malunga nee-VFHs ezintsha eziqeshiweyo;
- (i) Liqinisekise ukuba ii-VFHs zisayina imvumelwano yengqesho, yaye zigcinwa kwifayili ye-NSNP;
- (j) Ligcine iikopi zezazisi zee-VFHs kwifayili ye-NSNP;
- (k) Lenze uqeqesho ngokukhawuleza lomntu ngamnye kuqukwa noqeqesho loqhelaniso lwee-VFHs ezintsha eziqeshiweyo; yaye
- (l) Liqinisekise ukuba ii-VFHs ziya kuqeqesho oluqhutywa esikolweni nakwisithili olucwangciselwe le miba ilandelayo:
  - Iindima nemisebenzi yekomiti yesikolo.
  - Uqeqesho ngemigangatho yezempilo nococeko
  - Ukhuseleko lokutya negesi.

#### 4.2.6 Ilungu le-RCL kufuneka

- (a) Linike inkcazo ngokuqhubekayo kwikomiti yesikolo malunga nokuba ngaba abafundi bakunikwa ngexesha na ukutya;
- (b) Litshekishe ukuba ii-VFHs zizipheka ngokwemenyu zombini izidlo zosuku;
- (c) Litshekishe umgangatho wokutya okuphakelwa abafundi, ngokukodwa iziqhamo nemifuno;

- (d) Lancedise ii-VFHs xa ziphaka ukutya eklasini naxa ziqokelela izitya zokutyela emva kokutyiswa kwabafundi;
- (e) Linike ingxelo yokuba ngaba abafundi babaphantsi kweliso na ngethuba lokutyiswa kwabo nokuba ingaba kukho izitya zokutyela ezinganelanga;
- (f) Lichaze nokuba ngaba kukho ukutshintshwa okanye ukuphuculwa kweprogram abanqwenela ukukubona abafundi; yaye
- (g) Linike ingxelo ngeengxaki ezichaphazela abafundi.

5. **Ukubekwa esweni kweprogram**

I-ofisi yesithili noNdlunkulu kufuneka ziqinisekise ukuba iprogram isebenza ngokufanelekileyo nangokwanelisayo kwinqanaba lesikolo.

6. Iinqununu kufuneka zazise ngokuqulethwe yile ngcaciso imfutshane bonke abathathi-nxaxheba beprogram ye-NSNP ukuze bakuthathele ingqalelo.

**ISAYINWE:** NGU-AJE MEYER

**USEKELA MLAWULI-JIKELELE WOPHUHLISO NOQUQUZELELO LWAMAZIKO**

**UMHLA:** 2024-11-20